

۱۳۲۰

صاحب و مدیر مسئول : ع . اشرف ادیب

عدد ۳۸ - ۲۲۰ ۱۹ ذی الحجه ۱۳۳۰ پنجشنبه ۱۵ نشرین ثانی ۱۳۲۸ جلد ۲ - ۹

روس سیاسی آژاندرینک تحریکله ، فعلاً روس عساکر نظامیه سنک تحت تهدیدنده بولونان تبریزده ، اهالیدن برقی جامعه طوبلانهرق محمد علی میرزای ایستدکلینه دائر قرار اتخاذ ایتش واشبو قرارلرینی باتلغراف طهران حکومتنه بیلدیرمشلردر .

اتحاد وزعم جمعیتی . — اشبو نام ایله طهرانده بر جمعیت تشکیل اولنه رقی یتیم و بی کس چوققلرک امر اعاشه و تربیتی درعهده ایلشدر .
افغانستان :

هجوم شکر افغانستانده میسیونر برو . — اوروپا سیاسیوننک ممالک شرقیه یی استیلا حقهده پرورده ایتدکلی املرینه خریستیان میسیونرلرک نه صورتله پیشدارلق ایتدکلینه دائر یازمیش اولدیغمز بر فقره یی پک صمیمانه و برادرانه التفاتلرله اقتباس ایدن « سراج الاخبار افغانیه » رفیق محترمز علاوه اوله ق افغانستانک اجابه قارشى مسدود بولونمسی حسیه اوروپا میسیونرلرندن محفوظ قالدیغنه شکر ایدیور .

افغانه اردو سنک مظفری . — اولجه افغانستانده بر اختلال داخلی وقوع بولدیغنی غزته لریازمشلر ایدی . صوک پوسته ایله کان « سراج الاخبار » ده جنرال محمد یارخانک تحت قوماندنده سنده اعزام اولنان افغان اردو سنک مظفری کابل دوندیکینی و درزنخیر اوله رقی برچوق عاصیلرک پایتخته کتیرلیدیکنی او قودق . کابل اهالیسی اردویی بیوک هیجانلرله استقبال ایلشدر .

محمد ولی خانه مسررسی . — کچنده پایتخنمزد بولنان محمد ولی خان نامنده برهنلی ملمان حقهده افغانستان غزته سنک نشر ایتش اولدیغنی موجب شک برحوادثی ترجمه ونقل ایلش ایدک . اشبو حوادث بالطبع هندستان مطبوعاتنه ده کچمش ، برچوق قیل وقاله سببت ویرمشلدر . هندستان غزته لرینک ایکی فرقه اوله رقی قسماً محمد ولی خانک لهنده ، قسماً علیهنده اجاله قلم ایتدیکلرینی دوین « سراج الاخبار » اشبو اختلافاته نوعاً کنندینک سبب اولدیغنه تأسف ایدره ایدورک : « صحت اخباراته صوک درجه امین اولدیغمز قاهره مخبرمزدن آلمش اولدیغمز حوادثی ، محمد ولی خانی قطعاً طایفه دیغمز حالده ، افغانستانه عائد اولدیغنی ایچون ، درجنه لزوم کورمشدک . »

افغانیه مطبوعات . — هنوز دوره ابتدایه سنی کچرمکده اولان افغان مطبوعاتنک یکانه ممثلی اولان « سراج الاخبار » غزته سی اهمیت مطبوعاتدن بحث ایدرکن افغانستان مطبوعاتنک تاریخی بروجه آتی تلخیص ایدیور : امیر اسبق مرحوم شیر علی خان زماننده بردانه آل ماکنه سی کتیریلرک پوسته پولی و دیگر بوقیل اوراق طبع اولنوردی . شمدی او مطبوعه دن هیچ بر اثر قلامشدر . جنت مکان امیر عبدالرحمن خان زماننده طاش باصمه سی افغانه داخل اولمش ، بو مطبوعه دخی اوراق رسمیه ، پوسته پولی و بوکی مطبوعات رسمیه نک طبعته منحصر اولشدر . عصر فرخنده امیر حبیباه خانیده ایسه طاش باصمه سی مطبوعات خصوصیه ده قولاندیغنی کبی کچن سنه « سراج الاخبار » ی ده طبع ایلشدر . طاش باصمه سنک توسعی متعاقب هان حروفات باصمه سی ده افغانستانه داخل اولمش وعینی زماننده چیتقو غراف ماکنه سی ده احضار ایلشدر .

چین :

اوروپا بیلرک چیقاردیغنی مشکلات . — اوروپا بیلرک ممالک شرقیه یی « وحشتلریله » تقییح ایتدکلی کبی ، تمدنه داخل اولق ایستدکاری زمانده کندیلرینه قارشى بیك درلو مشکلات چیقارملریله کوسترمش اولدقلری ایکی یوزلی پولتیقه چین حیات سیاسی سنده ده بوتون عنعناتی ایله تکرار ایدلمکده در . روسجه غزته لرک پکیندن آلمش اولدقلری تلغرافه نظراً دول معظمه سفراسی عمومی بر اجتماع عقد ایدره ک نتیجه ده متفقاً بوقسر وقوعاتی تضمینات حریه سی تأدی ایدلمکجه چین مملعیه لرینک حکومت طرفندن یکی براستقراضه قارشیق کوسترلیه میه جکی اخطار ایلشدر .

فی سبیل الله فیقتلون و یقتلون وعدا علیه حقاً فی التوریه والانجیل والقرآن ومن اوفی بعهده من الله فاستبشروا بیعکم الذی بايعتم به ذلك هو الفوز العظيم) آیه وافی هدایه سی مفاد نیجه جان و مال لرینی دریغ ایتزلر . ایدلر خائن ملت و دشمن دین و بی غیرتدرلر .

ایشته کلزار وطن محو اولدی استبداده . بزدن استمداد ایدره درم بر فریاده نیجه لشمک مقتضی غدارله ، بیداده . ظلم و استبداد دوری درد یاس آیامیدر ارقداشلر قان دوکک ، قان دوکمه نک همکامیدر .

مسارات اسلامیه نک مرکزی قومیه سی

روسیا :

مراسم وضع هلال . — « وقت » غزته سنک نشریاته نظراً اورال ولایتنده اوایل بازارنده یکی بنا اولنان بر جامعک قبه سنه هلال وضع ایتک مناسبتیه محترم بر مراسم وقوع بولشدر . هلال وضع ایدلر دن اول ایکی بیك قدر حضاره قارشى محله امامی طرفندن بلیغ بر خطبه ایراد ایلشدر .

اسلامدره انتباه . — روسجه غزته لرک نشریاته نظراً روسیا اسلاملری اجرا ایدلکده اولان دردنچی دوما انتخاباتنه بیوک بر اهمیت ویریور . مسلمان پیشوالری طرفندن انتخاباتده مسلمانلرک منافعی کوزتمک اوزره مواد آتییه اساس اوله رقی قبول ایلشدر :

۱ — مسلمانلرک بوکونه قدر دوچار اولدیغنی حقسزلندن قورتارلمری ایچون طول مدت امتداد ایدن او تودن آیللملری و مملکتک حیات سیاسی سینه اشتراک ایللمری الزمدر .

۲ — بونک ایچون ده کندی آرلرندن عزم صاحبی دینداشارینی انتخاب ایللی درلرک اولنرک دوماده کی متینانه مدافع لری سایه سنده نائل مکافات اوله بیلسینلر . کندی دینداشلرندن انتخاب ایتک قابل اولدیغنی تقدیرده ده پروغراملری روسیه ده ساکن اولان ملل مختلفه نک حقوق ملییه سنی تحت تأمین الان فرق سیاسی نه نامزدلرینه اعطای رأی ایتلیدرلر .

۳ — کرک افرادک ، کرک ملت لرک حربت و مملکتلری اوغورنده مجاهدات ایله حریت ادیانی تأمین .

۴ — انجق بوشرائطک تطبیقیه درک مسلمانلرک عصرلر دن یری دوچار اولدقلری تضییقات قالفار ، مسلمان جماعتی دائره تمدنه ، ملت لرک دائره اخوتنه داخل اولور .

« ترجمانه » غزته سی . — ۳۰ سنه دن بری قریبده ، باغچه سرایده اسلام محررلرندن اسماعیل بک غصبرینسکی افندی نک تحت اداره سنده اولجه هفته ده بر ، بر مدت صوکره اوچ دفعه نشر ایدلکده اولان « ترجمان » غزته سی بعدما یومی اوله رقی انتشار ایده جکدر . غزته روسجه قسمی توسیع ایدرک روس غزته لرند اسلاملر علیه اولان نشریاته قارشى مبارزه و مناقشه ایتک اتمنده در .

تورکجه نک املاسی ایچون . — قایق ایف نامنده بریسی « یلیدیز » غزته سیله نشر ایتش اولدیغنی بر مقاله ده تورکجه املاسنک مختلف محررلر طرفندن مختلف شکله یازیلدیغندن شکایت ایدره ک بونقیصه وانتظامسنلرک العاسی ومعین بر اصول املانک اتخادی ایچون مسلمان علماسندن متشکل برقونفره اجتماعنه لزوم کوریور .

ایران :

روسلرک اشتیرق لری بر دوام . — روسلر شاه مخلوع محمد علی میرزای تکرارتخته اقعا دایتدیرمینجه راحت اولیه جقلرکی کورونیور . صوک خبرلره نظراً